



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Reflexio X. Argvmentvm Historicvm VI. Partim Ex Orthodoxis, Partim Ex Heterodoxis Authoribus Pro Primatu D. Petri, Est Institutio Episcoporum Per Orbem Fere Universum.

[urn:nbn:de:hbz:466:1-64326](https://nbn-resolving.de/urn:nbn:de:hbz:466:1-64326)

REFLEXIO X.

ARGVMENTVM HISTORICVM VI. PAR.
 TIM EX ORTHODOXIS , PARTIM EX
 HETERODOXIS AUTHORIBUS PRO PRI.
 MATU D. PETRI, EST INSTITUTIO EPISCOPO-
 RUM PER ORBEM FERE UNIVERSUM.

Dixi paulò superiùs, si Seculo post Christi natales VII. uni-
 versi ac singuli in orbe universo ita conspirâssent Ar-
 chiepiscopi & Episcopi in unum supremum caput, Epi-
 scopum nempe Romanum, inusitato prorsus miraculo Deus to-
 tius Ecclesiæ suæ sensus & animos adeò illustrâsset, ut hæc ip-
 sissima hactenus inaudita inspiratio, uti vocamus, instar legis
 & instituti divini posset accipi & propemodum adorari. Ut
 res clariùs tanquam pleno meridie luceat, simûlque eruditio-
 nis avidus Lector Romanæ Ecclesiæ Hierarchiam identidem am-
 plius suspiciat, plerosque totius orbis Ecclesiasticos Præfules in
 compendio hoc juvat apponere. Ansam ita rem scribendi de-
 dit cum Sociis Hübnerus in suis tomulis de Regibus in lucem
 editis, in quibus sparsim Ecclesiæ Catholicæ tangit Antistites,
 eximio sanè Orthodoxorum omnium solatio, quod sui, *ut denuo
 memorem*, & dictorum suorum crebrò immemor scripserit authori
 suo parùm faventia, imò penitus contraria.

Patriarchatus Antiochenus omnium primus & antiquissimus
 institutus est ab ipso Apostolorum Principe Petro Seculo Chri-
 sti I. an. 36. Numeravit Patriarcha sua sub potestate præ-
 ter Sedem suam Patriarchalem per Syriam, Ciliciam, Isau-
 rię, Mesopotamiam, Phæniciam & Arabiæ partem Sedes
 Metropolitanas 11. cum Episcopis minoribus. - 128.

Patriarchatus Alexandrinus Secul. I. inchoatus est. Pa-
 triarcharum omnium primus floruit D. Marcus Evangelista: pro-

ximè secuti sunt DD. Dionysius, Athanasius, Cyrilus &c. Suberant horum potestati Aegyptus & universa Lybia, in quibus numerati sunt Archiepiscopi 10. cum Episcopis minoribus 114.

Episcopatus Hierosolymitanus à S. Jacobo Minore Secul. I cœptus, Concilii Nicaeni tempore conversus est in Archiepiscopatum, Primi Cæsareensi in Palæstina subditum. Tandem procurante Justiniano I. Imperatore Hierosolymæ Patriarcha institutus per Palæstinam, Phæniciam & Arabiam, numeravit sua sub potestate 6. Archiepiscopos & Episcopos Suffraganeos 100.

Episcopatus Byzantinus in Patriarchatum Constantinopolitanum Seculo IV. conversus, & Seculo VI. tempore Conciliorum I. atque II. Constantinopoli celebratorum confirmatus, per Scythiam Europæam, Græciam Asiaticam item Europæam, atque Pontum universum, sub potestate sua numeravit partim Primates, partim Archiepiscopos cum Episcopis Suffraganeis circiter 512.

Atque hic Status fuit Ecclesiæ veteris per Europam Orientalem & Asiam: uno sub capite membra plurima, veluti ex Conciliis maximè apparuit. *Vide inferiùs.*

In partibus Meridionalibus Pontifici Romano tanquam Patriarchæ & Primi etiam suberant per universa Italiam, Illyricum, Africam & Hispaniam Archiepiscopi omnino multi: namque Romani Pontificis tanquam Metropolitæ immediati, uti dicimus, potestati & jurisdictioni Seculo IV. & V. jure subjiciebantur per Latium novum ac vetus, item per Campaniam Romanam, Tusciā, Umbriam, utrumque Picenum, Samnium, Apuliam, Calabriam, Lucaniā &c Episcopi circiter 80. quorum multi successu temporis in Archiepiscopos sunt conversi adeò, ut præter Romanum Pontificem, & Patriarcham Venetum per universam Italiam & vicinas Italiae insulas facile numerati fuerint, & hodie numerentur Archiepiscopi ultra 40. cum Episcopis Suffraganeis circiter 200.

Non

Noñ minùs subdebantur immediatæ simûlque supremæ Romanæ Pontificis potestati Archiepiscopus Mediolanensis, Ravennatensis, Aquilejensis, Siracusanus & Calaritanus, quibus omnibus subordinati fuerunt Episcopi plures quam 300.

In toto Illyrico Pontifici simûlque Patriarchæ Romano post Constantini M. fata parebant partim Primates, partim Archiepiscopi 16. cum Episcopis facile 100.

In Africa, quam in septem Ecclesiasticas provincias diviserunt, omnibus tanquam Primas præerat Episcopus Carthaginensis: in ipsas verò provincias septem sunt divisi Episcopi omnino multi, in provincia nimirum Proconsulari numerati fuerunt aliquando Episcopi.

In provincia Numidiæ	-	-	105.
In provincia Bizacena	-	-	128.
In provincia Mauritaniæ Cæsareensis & Tingitanæ	-	-	135.
In provincia Mauritaniæ Sitifensis	-	-	47.
In provincia Tripolitana	-	-	12.
In provinciis reliquis numerârunt facile			100.

Atque adeò florente per Africam quondam doctrina Christiana numerati sunt Episcopi minimum 500. in septem classes distincti ea methodo, ut cuilibet classi suus præsidet Præses, distus Senior Episcopus, servata altiori potestate Carthaginensi Primate, & altissima Romano Pontifici.

In Hispania duo Primates & plures Archiepiscopi jam seculis V. VI. & VII. præerant Episcopis 80.

In provincia nimirum Bætica alter sedebat Primas, cui Sedes Hispalis; alter verò in provincia Carthaginensi Toleti figurebat Sedem. Archiepiscopi fuerunt Tarragonensis, Lusitanus & alii duo in Gallæcia distincti.

In partibus Occidentis Ecclesiæ status sequenti venit ordine.

In Gallia constituti duo Primates & Archiepiscopi 13.

Primum alter fuit Archiepiscopus Bituricensis in Aquitania; alter Archiepiscopus Arelatensis in regno Arelatensi &c.

Archiepiscopi alii his sunt distincti nominibus: Sextiæ

I. Archiepiscopus Tarentasiensis. II. Narbonensis. III. Narbonensis alter Aquæ Sextiæ Sedem figens. IV. Ebredunensis. V. Burdigalensis. VI. Augustanus Aufciorum. VII. Lngdunensis. VIII. Rothomagensis. IX. Turonensis. X. Senonensis. XI. Visuntinus. XII. Rhemensis. XIII. Trevirensis. Visuntinus tamen & Trevirensis temporis successu inter Germanicos Archiepiscopatus sunt celebrati. Quibus omnibus obedientiam exhibuerunt Episcopi ultra 100.

In Belgio primis post natum Redemptorem Seculis auctoritate Pontificia introducti Episcopatus, conversi demum in Archiepiscopatus 1. Caenacensis cum Suffragensis 4. 2. Mechlinensis cum Suffrag. 6. 3. Ultrajectens. cum Suffrag. 5.

In Magna Britannia similque Scotia & Hibernia Primates duo cum Archiepiscopis 6. inter minores Episcopos circiter 60. eminuerunt scilicet

I. Primas Britanniae Meridionalis dictus est Archiepiscopus Cantionum, seu Dorovernensis, dein verò Cantuariensis.

II. Archiepiscopus Londinensis. III. Carleonensis. IV. Eboracensis. V. S. Andreæ. VI. In Scotia Glascensis. VII. In Hibernia Primas Armachanus. VIII. Archiep. Dublinensis & Tuamensis.

Jam verò in Imperio Germanico & vicinis eidem regnis Apostolica auctoritate sunt constituti Archiepiscopi Moguntiæ, Treviris, Coloniæ, Laureaci; dein Salisburgi & Visuntii cum Episcopis Suffraganeis talibus ac tantis, ut horum auctoritas & potestas amplissimæ, Archiepiscoporum multorum potestati æquiperari aut anteferri queat. De Archiepiscopatibus his dictum abundè sati superius; id solùm non pigebit fortè Lectorem intelligere, quinam Archiepiscopatus & Episcopatus novi antiquis

quis accesserint in Occidentis Imperio & partibus Septentrioni propinquis.

Seculo itaque VII. à D. Benedicto II. Pont. Rom. missum venisse in Franciam Orientalem D. Kilianum cum Sociis Colonato & Theodnano natione Scotis testatur unà cum Historicis Orthodoxis Hübnerus etiam tomul. VII. pag. 155. An verò D. Kilianus unà cùm Sociis vocati sint jure Franconiæ Episcopi primi, parùm interest litigare. Legatos venisse Româ Episcopali potestate munitos, abundè certum est Historicis. Post extinctum crudelissima morte Kilianum succedit ab Urbe missus D. Bonifacius Moguntiæ Archiepiscopus, author & restaurator simul Episcopatum Seculo VIII. in Francia Orientali & aliis in provinciis plurium.

Eodem Seculo VIII. Caroli M. Imperatoris adjutoriō potentissimō animatos Apostolos, varios annuente Pontifice fundamenta jecisse Episcopatibus per universam Saxoniam & confines provincias diversis, nōrunt Authores Orthodoxi & fatentur Heterodoxi. Eosdem inter Apostolos celeberrimum nomen obtinuerunt D. Stephanus Magdeburgensium, D. Wilehadus verò Bremensium Doctores; quibus inter imitatores accesserunt DD. Heribertus & Wilehadius.

Seculo IX. D. Ludgerus Heriberto ultrò concessit Mindensem Infulam; Nuitgardus Bremæ, Hermarius Paderbornæ, S. Suibertus Verdæ sederunt Episcopi: S. Ansgarius verò Archiepiscopus omnium primus S. Remberto cessit Bremensem simul & Hamburgensem Mitram, ut abire liceret in provincias Septentrionis proximiores, ad lucrandum Deo animas.

Seculo X. Imperatore Ottone M. desiderante, & Joan. XIII. Pontifice concedente, Archiepiscopali Pallio Magdeburgi exornatus D. Adelbertus, partim sibi præmisit, partim post se traxit Episcopos diversos in Borealis regnis instar clarissimorum. Siderum exortos:

Mense-

Merseburgi namque an. 968. prælucere cœpit Episcoporum primus B. Boso in S. Emerami monasterio Ratisbonæ celeberrimo quondam Monachus.

Havelbergæ annis prioribus B. Udo primus constitutus est Episcopus.

Lubecæ, Schlesvici & Oldenburgi triplicis instar Episcopi circa idem tempus sedere cœpit B. Marcus, quondam Ottoni L. à consiliis.

Lebusii an. 965. B. Stephanus instituit Episcopatum, creatus ipse Episcoporum ibidem primus.

Naumburgi Episcoporum omnium primus circa annum 966. doctrinam Christianam Explicavit B. Hugo.

Misniæ Episcopus primus eodem ferè cœpit tempore fulgere B. Burchardus ex monasterio S. Emerami Ratisbonæ evocatus.

Brandenburgi eadem ætate B. Dulim primus confirmatus est Episcopus.

Eodem Seculo X. suadente Ottone M. Haraldus VIII. Danorum Rex laudante Pontifice erexit Episcopatum Sclesvicensem in Ducatu ejusdem nominis ; Archusensem & Ripensem in Juthia ; Odeenseensem in Fonia.

Seculo XI. an. 1012. adjectus est Episcopatus Roschilensis in Seelandia.

An. 1065. ex liberalitate Suenonis III. Danorum Regis accelerunt novi Episcopatus quatuor, nimirum Lundensis, conversus deinde in Archiepiscopatum in Sconia, in qua simul erectus Dalbyensis, Wiburgensis verò & Alburgensis in Juthia.

In Sueciam Doctore D. Ansgario Christi Dogmata illata jecerunt fundamentum Episcopatibus successu temporis omnino variis, præsertim verò Upsalensi, qui volente Alexandro III. Pont. conversus est an. 1164. in Archiepiscopatum.

In Polonia Archiepiscopatus Gnesnensis & Cracoviensis beneficio Micislai Ducis ad Orthodoxa sacra conversi, sunt eretti circa

circa annum 965. consentiente Benedicto VII. Rom. Pont. accessit Archiepiscopatus Leopoliensis in Russia Rubra cum Episcopis Suffraganeis 4. cùm priùs numerarentur 12. aut plures.

In Bohemia adjutore Boleslao II. Bohemorum Duce Pragæ Episcopatus erectus, Episcopum I. natus est Dithmarum, alterum verò D. Adelbertum Seculo X.

An. 1543. Joannes Bohemorum Rex, & hujus filius itidem Rex & Imperator ad Clementem VI. Pontificem Avenionem in Galliam profecti, impetrarunt exemptionis privilegium, uti vocamus, adversùs Moguntiæ Archipræfulem; atque adeò Pragæ Archiepiscoporum primus coepit sedere.

In Hungaria Seculo XI. ex munificentia S. Stephani surrexit Archiepiscopatus Strigoniensis, cui fuerunt subiecti 10. Suffraganei.

Accessit temporis successu Archiepiscopatus Colocensis cum octo Episcopis minoribus.

Omissis multis aliis per orbem universum, jam olim & hodie velut erecto corpore constantibus sibi Archiepiscopatibus, id hoc maximè loco commemoro: nullus Patriarcharum, nullus Primatum, nullus Archiepiscoporum Romano Pontifici, si Constantinopolitanum Seculo VI. primùm & VII. ac unà cum hoc paucos excipias, pertinaciter, vel ut adversarii dicunt, constanter se se opposuit; cuius rei argumento esse potest, quod ipsimet Scriptores adversarii neminem crebriùs & vehementiùs, & ferè solum nobis Phocam tyrannum opponant: argumenta autem alia & superiùs, & multis aliis in locis proposita rem evincant adeò, ut usque ad Seculum VI. & VII. Romano Pontifici de Primatu litem Episcoporum propemodum nullus intenderit: post Seculum verò VII. fatentibus ipsis & dolentibus, ac vix non ringentibus Heterodoxis, Praesules in orbe Catholico universi, unanimi consensu Romano Pontifici se se subjecerunt usque ad hanc nostram ætatem cum Episcopis Suffraganeis suis, quorum mul-

G g

ta

ta etiam hodie numeramus millia , ut nihil dicam de Præfuli-
bus , Abbatibus & Præsidibus aliis vel Clericorum vel Mona-
chorum in tota Hierarchia Ecclesiastica , quod hercule instar
perpetui miraculi jure merito admiramur & obstupecscimus : non
enim nisi divini digiti , aut brachii , seu dexteræ exelsi opus hoc es-
se censuerunt omnes illi , qui Statum Hierarchicum & Politi-
cum probè sibi perspectos habuerunt : homines quippe suâmet
natura liberi , præsertim in sublimiori gradu constituti , abhor-
rent plurimūm à majorum dominorum jugo seu potestate . Re-
ges idcirco etiam constanti didicerunt experientia , nihil diffi-
cilius esse , quām amplissima & spatiofissima regere regna . Id
etiam nōrunt omnes , hominum vires longissimè superare & ex-
cedere , pluribus Seculis non uni duntaxat , sed plurimis similiq[ue]
diversis atque divisis populis unum imperare Jmperatorem . Quod-
si igitur Romanus Pontifex imperavit jam per multa Secula
Patriarchis , Primatibus , Archiepiscopis , verbô , universæ Ec-
clesiæ per Jmperia , Regna & Provincias diversissimas divisæ ,
hoc si quis *Dexteræ Excelsi* opus esse negaverit , talem ego non sanæ
mentis hominem , sed bardum dixerim . Atque hoc ipsum no-
væ Reflexioni & argumento novo sternit viam ac campum :
sit igitur

REFLEXIO XI.

**ARGVMENTVM HISTORICVM VII. MAXL
ME EX HÜBNERO PRO PRIMATU ROM. PONT.
SUNT DEXTERÆ EXCELSI OPERA POST
SECULUM VII. ORBI EXHIBITA,**

Repeto verba millies repetenda : si Romanus Pontifex im-
peravit per multa jam Secula Patriarchis , Pri-
matibus , Archiepiscopis &c , verbo universæ Ecclesiæ ,
per Jmperia , Regna & Provincias diversissimas divisæ , hoc si
quis